

Pisortanit ikorsiissutit tunniunneqartarnerat pillugu, iliusissatut pilersaarutit, sulisinnaassuseq il.il. pillugit Namminersornerullutik Oqartussat nalunaarutaat

Pisortanit ikorsiissutit pillugit Inatsisartut Peqqussutaanni nr. 15, 20. November 2006-imeersumi § 8, imm. 2, § 11, imm. 6, § 13, imm. 7, § 18, imm. 3 aamma § 24 imm. 2 naapertorlugit aalajangersarneqarput:

Kapitali 1

Inuit pineqartut

§ 1. Nalunaarummit matuminnga inuit pineqartut tassaapput inuit pisortanit ikorsiissutinik pisortanit ikorsiissutit pillugit Inatsisartut peqqussutaanni malittarisassat naapertorlugit qinnuteqartut pisartagaqartulluunniit.

Kapitali 2

Iliusissatut pilersaarutit

§ 2. Kommunalbestyrelsimit pisortanit ikorsiissutinik qinnuteqartut pisartagaqartulluunniit ilisimatinneqassapput kommunalbestyrelsi peqatigalugu inuttut namminerminnut iliussissatut pilersaarusiorfigineqarsinnaatitaasut.

Kapitali 3

Sulisinnaassuseq il.il.

§ 3. Pisortanit ikorsiissutinik suliffissaalerinerinnaq pissutigalugu qinnuteqartunut pisartagalinnullu, piumasaqaataavoq, sulisinnaanermut periarfissat imatut suliffissarsiornermi pineqartup nalinginnaasusut iluani iluaqtiginiarneqarsimassasut. Pineqartumut ilanngullugu kommunalbestyrelsimit piumasaqaataavoq suliffinnut aalajangersimasunut inuttaqanngitsunut qinnuteqassasoq.

Imm. 2. Piumasaqaataavoq, qinnuteqaateqartut pilersorneqarnissamut aamma aalajangersimasunik aningaasartuutinut kiisalu aningaasartuutinut ataasiakkaanut suliffissaaleqinerinnaq pissutigalugu pisortanit ikorsiissutinik qinnuteqaammut peqatigitillugu suliffissarsiuussisarfimmut nalunaarsimassassut suliffissaqarsinnaanissamut ikiorserneqarsinnaanissaq siunertaralugu.

Imm. 3. Ikorsiissutinik pissarsisinnaanissamut piumasaqaataavoq, qinnuteqartut pisartagallillu sulilersitaasinnaanissamut naammaginartumik neqeroorutinut akuersaarsimassasut.

§ 4. Pisortanit ikorsiissutinik suliffissaalerinerinnaq pissutigalugu pilorsorneqarnissamut aamma aalajangersimasunik aningaasartuutinut kiisalu aningaasartuutinut ataasiakkaanut qinnuteqartut pisartagaqartulluunniit, ullormik ataatsimik siomoortumik nalunaarfigneqarlutik suliffimmik tigusisinnaassapput sulilersitaasinnaanermillu neqeroorut atorlugu aallartissinnaassallutik.

Imm. 2. Suliffimmik tigusineq aamma sulilersitaaneq aallartinneqarsinnaassapput, qinnuteqartumut pisartagaqartumulluunniit neqeroorutip ingerlateqqinneqarneraniit ullup ataatsip qaangiunnerani ullup suliffiusussap aallartinnerani.

Imm. 3. Qinnuteqartoq pisartagaqartorluunniit kommunimut takkussinnaassaaq, tamatumunnga kommunalbestyrelsimiit aggersarneqarnerup tiguneqarneraniit ulloq ataaseq qaangiuppat.

§ 5. Pisortanit ikorsiissutinik suliffissaalerinerinnaq pissutigalugu qinnuteqartut pisartagaqartullu pisussaaffeqanngillat sulisinnaanerminnik periarfissanik atuisinnaanissaminut suliffeqalernissaq sulilersitaanissarlu pillugu neqeroorummit akuersaarinninissamut:

- 1) Neqeroorut isigineqarsinnaangippat naammaginartutut neqeroorutitut pissutsit neqeroorutip imarisaanut tunngasut pissutigalugit,
- 2) Qinnuteqartoq pisartagaqartorluunniit sulisinnaassanngippat napparsimaneq pissutigalugu, imaluunniit manna tikillugu suliffiup ingerlatiinnarneqarnerani peqqissutsip ajorseriarsinnaanissaanut navianaateqarpat.
- 3) Qinnuteqartoq pisartagaqartorluunniit naartuneq, ernineq qitornarsiartaarnerluunniit pissutigalugit sulinngiffeqarsinnaatitaavoq, naartunermi, erninermi qitornarsiartaarnermilu sulinngiffeqartarneq il.il. pillugit Inatsisartut peqqussutaanni malittarisassat naapertorlugit, suliffeqareersimanissamut piumasaqaataasoq eqqaassanngikkaanni, imaluunniit
- 4) Qinnuteqartoq pisartagaqartorluunniit § 8 naapertorlugu piffissamut sulinngiffiusussamut ilaatinneqarsimappat.

§ 6. Kommunalbestyrelsimit, pilorsorneqarnissamut, aalajangersimasunik aningaasartuutinut kiisalu aningaasartuutinut ataasiakkaanut pisortanit ikorsiissutinik qinnuteqartut pisartagaqartulluunniit naliliiffineqassapput sulisinnaassuseqarnersut, suliffeqarnermi sulisinnaassuseqarnerat qularutigineqassappat.

Imm. 2. Kommunalbestyrelsimit, pilorsorneqarnissamut, aalajangersimasunik aningaasartuutinut kiisalu aningaasartuutinut ataasiakkaanut pisortanit ikorsiissutinik qinnuteqartut pisartagaqartulluunniit naliliiffineqassapput sulisinnaanerminnut periarfissaminnik iluaqtiginnissinnaanerminni ikiorserneqarnissamut piumasaqaatinik suli eqquutsitsisuunersut, pineqartumit

- 1) Suliffik innersuunneqartoq itigartinneqassappat
- 2) Sulilersitaanermik neqeroorummut takkutinngippat
- 3) Kommunalbestyrelsimit ataatsimeeqateqarnissamut isumaqatigiissutaasimasumut takkutinngippat, imaluunniit
- 4) Napparsimaneq pissutigalugu communalbestyrelsimit sulisitsisumulluunniit, tassani sulilersitaanissaq neqeroorutaasimasumut, pineqartorluunniit sulisitsisuminit sulilersinnaalernissaq pillugu oqaloqatiginnikkartorluni ataatsimiigiarnissamut nalunaaruteqanngippat.

§ 7. Suliffissaaleqinermi ajornarsiuit qaavisigut ikiorserneqarnissamik qinnuteqartoqarpat pisartagaqartoqarpalluunniit, communalbestyrelsimit naliliivigneqassaaq, pissutsini ataasiakkaani § 5-imit taaneqartunit allaanerusunik pissuseqartoqarnersoq, pineqartup sulisinnaanerminut periarfissaminik atuisinnaanerminik pisussaaffeqannginneranut tunngavigineqarsinnaasunik.

§ 8. Pisortanit ikorsiissutinik pilorsorneqarnermut, aalajangersimasumik aningaasartuutinut kiisalu aningaasartuutinut ataasiakkaanut pisartagaqartut piffissami imminnut ataannartuni qaammatini 6-ni, piginnaatitaaffeqarput ulluni 14-ini piffissamut sulinngiffiusussamut peqataatinneqarnissamut.

Imm. 2. Piffissaq sulinngiffiusussaatitaasoq ataatsimortumik sulinngiffiussaaq aamma piginnaatitaaffiup pissarsiarineqarneraniit qaammatit 6-t qaangiutinnginnerini.

Imm. 3. Pissarisup sivikinnerpaamik ullunik 14-inik siumoortumik nalunaarutigalugu kommunalbestyrelsimit nalunaarutigissavaa kissaatiginerlugu piffissap sulinngiffiusussap atornissaa.

Imm. 4. Kommunalbestyrelsimit anguniarneqassaaq, piffissamik sulinngiffeqarfiusussamik pissarsisoq sapinngisamik isumaqatigiissuteqarfigalugu aalajangersarneqassasoq.

Kapitali 4

Sulisinnaassuseqannginneq il.il.

§ 9. Pisortanit ikorsiissutinik pilorsorneqarnermut aamma aalajangersimasumik aningaasartuutinut kiisalu aningaasartuutinut ataasiakkaanut sulisinnaassuseqannginneq pissutigalugu naleqqussarsinnaanikkut ajornartorsiutit imaluunniit peqqissuunnginneq pissutigalugu pissarsisartunut piumasaqaataavoq, qinnuteqartoq kommunalbestyrelsimit naliliivigineqarsimassasoq nalinginnaasumik atugassarititaasut atorlugit suliamik isumaginnissinnaanngitsutut.

§ 10. Pisortanit ikorsiissutinik sulisinnaassuseqannginneq pissutigalugu naleqqussarsinnaanikkut ajornartorsiutit imaluunniit peqqissuunnginneq pissutigalugu pissarsisartut, aggersarneqareernerimi kingorna qaammatit 3 tamaasa kommunimut malinnaavigineqarlutik ataatsimiigliartassapput.

Imm. 2. Malinnaavigineqarnermi aalajangiiffigineqassaaq, pisortanit ikorsiissutinik pisartagaqartoq pikkorissarnissamik, katsorsartinneqarnissamik, ilinniakkatigut ataasiakkaanik ilinniartitaanermut peqataatinneqarnissamik assigisaannilluunniit neqeroorfigineqassanersoq suliffeqarnermut uteqqissinnaanerani periarfissai pitsangorsarniarlugit.

Imm. 3. Malinnaavigineqarnermi naliliivigineqassaaq, pineqartoq ikorsiissutinut allatut ittunut nuutinnejassanersoq.

§ 11. Pisortanit ikorsiissutinik pilorsorneqarnermut, aningaasartuutinut aalajangersimasunut kiisalu aningaasartuutinut ataasiakkaanut qinnuteqartoq pissarsiaqartartorluunniit suliffeqarnermi napparsimaneq pissutigalugu sulisinnaassanngippat, kommunalbestyrelsimit napparsimanermut upternarsateqartoqarnissaa piumasaqaatigineqarsinnaavoq.

Imm. 2. Kommunalbestyrelsimit napparsimanermut upternarsaasiinermi aningaasartuutaasinnaasut akilerneqassapput.

Kapitali 5

Annertussusiliineq upternarsaasiinerlu

§ 12. Kommunalbestyrelsimit naliliivigineqassaaq, aningaasartuutit aalajangersimasut sorliit naammaginartutut nalilerneqarsinnaanersut.

Imm. 2. Aningaasartuutit aalajangersimasut naammaginartuunersut nalilerneqarnerini, kommunalbestyrelsimit pingartinneqassaaq, qinnuteqaateqartoq pisartagaqartorluunniit:

1) siusinnerusukkut nammineq isertitaminik akilersuisarsimanersoq, aamma

2) siunissami naatsorsuutigineqarsinnaassanersoq nammineerluni aningasartuutiminik akiliisarsinnaassanersoq.

§ 13. Ineqarnermut akiliutinut ikorsiissutit aamma atuinikkut aningaasartuutit akilerneqarnerinut ikorsiissutit communalbestyrelsimit aalajangiiffiqeqartassapput aningaasartuutivit annertussusaat tunngavigalugu aalajangersimasumik missaliuussinikkut.

§ 14. Inuuniarnermut ikorsiissutit communalbestyrelsimit qinnuteqaateqartup pisartagaqartuusullu pilersuisuunermikkut pisussaaffi aalajangersimasumik missaliuussiffagalugit aalajangerneqartassapput aamma inooqateqarnikkut imaluunniit najugaqateqarnikkut pitsaaqutit aallaavigalugit.

Imm. 2. Inuuniarnermut ikorsiissutit aammattaqq aalajangersarneqartassapput sumiiffinni nunamilu sumiinnermi pissutsit aallaavigalugit, taamaalliluni akit killifiat, tapertaqarsinnaanikkut periarfissat assingusullu naliliinermut ilangunneqassallutik.

§ 15. Kommunalbestyrelsi ikorsiissummik annertussusiliinermini aningaasartuutit annertussusaannut uppernaarsaatnik piumasaqaateqassaaq, takuulli imm. 3.

Imm. 2. Aningaasartuutit annertussusiinut uppernarsaatit akiligassat allagartarisinnaavaat, kontomit anillatitat, PBS atorlugu akilersuutit assigisaalluunniit.

Imm. 3. Inuuniarnermut ikorsiissutit uppernarsartariaqassanngillat, communalbestyrelsimiilli, pisartagaqartuusup inuuniarnermut suut naammaginartutut isigineqarsinnaanersut toqqammavigisaanik qularnaarinniisunik aalajangersimasumik missaliuussineq naapertorlugu aalajangersarneqartassallutik.

Kapitali 6

Aningaasanngornagit ikorsiissutit

§ 16. Aningaasanngornagit ikorsiissutinut ikorsiinermi akiliuteqartarneq imaluunniit toqqaannartumik akiligassanngortitsilluni allatsitsisarneq siullermeerlutik saaffiginnissuteqartunut tunniunneqarsinnaanngillat, aatsaalli paasineqarsimattillugu, pineqartumit ikorsiissutit

atornerlunneqartartut, imaluunniit ikorsiissutinik nammineerluni aqutsisinnaanngitsoq, takuulli imm. 3.

Imm. 2. Kommunalbestyrelsimit aningaasanngornagit ikorsiissutinut tunniussinermut aalajangiilernermi immikkut isigniarneqassaaq, qitornaasinnaasut pisariaqartitsinerat eqquutsinneqarnersoq.

Imm. 3. Nammineerluni piusuussutigalugu pissaaleqisoqalersimappat, imaluunniit meeqqat immikkut ittumik isigniarneqalersillugit, aningaasanngornagit ikorsiissutinik siullermeertumik saaffiginnissuteqartumut pisortanit ikorsiissutinik akiliussisoqartassaaq.

Kapitali 7

Immikkut ittumik pisoqartillugu ikorsiissutit

Aningaasartuutit ataasiakkaat

§ 17. Aningaasartuutinut ataasiakkaanut ikorsiissutinik tunniussisoqalinnginnerani communalbestyrelsimit qularnarneqarsimassaaq, qinnuteqartumit aningaasarivimmintaarsigassarsisoqarsinnaannginnersoq qinnuteqartumit siunissami piumasaqaatit akilersinnaassallugit periarfissaqarfingeqartutut isigineqarsinnaasunik.

Kalaallit Nunaanni Danmarkimiluunniit napparsimmavinni napparsimasunut kaasarfimmiut

§ 18. Napparsimasut 18-it sinnerlugit ukiullit Kalaallit Nunaanni Danmarkimiluunniit napparsimmavinniittut, uninnganermi nalaani kaasarfimmioqarnissaminnut piginnaatitaaffeqarput, pisortanit ikorsiissutinik napparsimasumit piumasaqaataasut eqquutsinneqarsimappata.

Imm. 2. Napparsimasut 18-it inorlugit ukiullit Kalaallit Nunaanni Danmarkimiluunniit napparsimmavinniittut, taamaallaat kaasarfimmioqarsinnaanerminnut piginnaatitaaffeqarput, meeqqanut iniusuttunullu ikorsiisarneq pillugu Inatsisartut peqqussutaanni malittarisassat naapertorlugit angerlarsimaffiup avataanut inissinneqarsimasuugunik.

Imm. 3. Napparsimasut 18-it inorlugit ukiullit, imminnut pilorsorsinnaanermut pisussaaffeqalersimasut, napparsimasutut 18-it sinnerlugit ukiulittulli kaasarfimmioqarnissamut piginnaatitaaffeqarput.

§ 19. Kaasarfimmiet akilerneqartassapput napparsimasup kommuniani angerlarsimaffigisaani siumoortumik communalbestyrelsimit isumaqtigiissuteqareersimanikkut siumoortumik sapaatip akunneranut ataasiarluni.

Imm. 2. Immikkut ittumik pisuni, tassani kaasarfimmiet akilerneqarnissaannut tassanngaannartumik pisariaqartitsisoqalersillugu, akiliussisoqarsinnaavoq siumoortumik communalbestyrelsimit akuersissuteqartitsisoqaqqarani.

§ 20. Napparsimasunut kaasarfimmiet tunniunneqartarput llaqutariinnermut Pisortaqaqrifimmit ulloq unnuarlu aalajangersimasunik akigititatut aalajangersarneqarsimasut naapertorlugit.

Imm. 2. Kaasarfimmiet tunniunneqartarput ulloq uniffusoq siulleq aallarnerfigalugu.

Imm. 3. Kaasarfimmienut akigititaq napparsimasut qanoq ukioqarnerat aallaavigalugu aalajangersarneqartarput tamanullu saqqumiunneqassallutik llaqutariinnermut Pisortaqaqrifup isumaginninnikkut aningaasanngorlugit tunniuttagaanni atuuttusuni kaajallaasitaq naapertorlugu.

Kapitali 8

Nammagittaalliorssinnaaneq

§ 21. Nalunaarummi malittarisassat naapertorlugit aalangiinerit, Inunniq Isumaginninnikkut Naammagittaalliuuteqartarfimmut naammagittaalliuutigineqarsinnaapput Isumaginnittoqarfiup aqunneqarnera aaqqissuussaaneralu pillugit Inatsisartut peqqussutaanni malittarisassat naapertorlugit.

Kapitali 9

Atortuulerfia

§ 22. Nalunaarut manna 1. april 2007 atuutilerpoq.

Imm. 2. Tamatumunnga peqatigitillugu, Pisortanit ikorsiissutit pillugit IsuMaginninnermi Pisortaqaqrifup kaajallaasitaa nr. 162, Kalaallit Nunaanni Danmarkimiluunniit napparsimmavinni napparsimasunut kaasarfimmiet tunniunneqartarnerat pillugu IsuMaginninnermut Suliffeqarnermullu Pisortaqaqrifup kaajallaasitaa nr. 214 kiisalu Napparsimasunut Kalaallit Nunaanni napparsimmavinni uninngasunut kaasarfimmioqarsinnaanermik qinnuteqartarneq aamma akiliuteqartarneq pillugit IsuMaginninnermut Suliffeqarnermullu Pisortaqaqrifup kaajallaasitaa nr. 222, atorunnaarsinneqarput.

Aleqa Hammond

/

Martha Lund Olsen

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaquataasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviit

Naalakkersuisut